



Zenica, 22.07.2016. godine

Broj: 04-34-14335/14

POZIV

za saradnju i konsultacije u izradi podzakonskih akata JPP-a

Skupština Zeničko-dobojskog kantona je na 29. sjednici, održanoj 28.06.2016. godine usvojila Zakon o javno-privatnom partnerstvu i isti je objavljen u „Službenim novinama Zeničko-dobojskog kantona“ broj: 6/16.

Shodno nadležnostima Ministarstva za privredu Zeničko-dobojskog kantona iz člana 31. Zakona o javno-privatnom partnerstvu, pozivamo vas na saradnju i konsultacije u izradi propisa o javno-privatnom partnerstvu, a u cilju unapređenja primjene modela javno-privatnog partnerstva (dalje: JPP) u Zeničko-dobojskom kantonu.

Strategijom razvoja Zeničko-dobojskog kantona do 2020. godine, model JPP-a je prepoznat kao jedan od načina ne samo za unapređenje javnih usluga, već i za podsticanje ekonomskog razvoja kantona u cjelini, a naročito lokalnih zajednica. U skladu sa tako postavljenim strateškim odrednicama, Vlada Zeničko-dobojskog kantona i Ministarstvo za privredu su intenzivirali aktivnosti na stvaranju pretpostavki za što efikasniju primjenu Zakona o javno-privatnom partnerstvu. Jedna od ključnih aktivnosti je priprema podzakonskih akata.

Ministarstvo za privredu smatra da potencijalni javni i privatni partneri u Zeničko-dobojskom kantonu mogu značajno da doprinesu pripremi podzakonskih akata koji će olakšati korištenje JPP modela.

Pozivamo Vas da se uključite u ovaj proces konsultacija vezano za izradu podzakonskih akata JPP-a i date nam svoje mišljenje i konkretne prijedloge za izmjenu i/ili dopunu objavljenih radnih verzija akata.

Zakon o javno-privatnom partnerstvu i radne verzije podzakonskih akata možete preuzeti sa internet stranice Vlade Zeničko-dobojskog kantona www.zdk.ba – Ministarstvo za privredu – Komisija za JPP.

Molimo zainteresirane subjekte da svoje inicijative, prijedloge, sugestije i komentare, u pisanom i elektronskom obliku, dostave Ministarstvu za privredu na adresa: Kučukovići br. 2, 72000 Zenica, na broj fax-a: 032/460-722 ili na e-mail adresu: min.privreda@zdk.ba; osman.buza@zdk.ba i dzenita.hrgic@zdk.ba do **05.08.2016.godine**.

Lica ovlaštena za koordinaciju konsultacija sa zainteresovanim subjektima su Osman Buza i Dženita Hrgić, a kontakt telefoni su: 032/ 460-720, 032/ 460-732 i 032/ 460-734.



MINISTAR

Zvonimir Anđelić dipl.ing.građ.